



LESOTHO

PHATLALATSO EA LIQETO TSA LEKHOTLA LA MATONA TSA LIPHUTHEHO EA LABOBELI LA LA 20 'MESA, 2021

1. KAMOHELO EA BAEMELI BA LINAHA TSA MACHABA

LEKHOTLA LA MATONA LE ANANETSE LIKOPO TSA NAHA EA VIETNAM, EA NIGERIA LE EA FINLAND TSA MATSOALLOA A LINAHA TSEO HO TLA BA BAEMELI BA TSONA BA BACHA NAHENG EA LESOTHO.

2. SETŠOANTŠO SA MOLAO OA TAOLO EA TLHOLISANO KHOEBONG (COMPETITION BILL, 2021)

LEKHOTLA LA MATONA LE ANANETSE SETŠOANTŠO SENA SA MOLAO, OO HAR'A TSE LING, O RERETSOENG HO THIBELA BOQHEKELLI LITLHOLISANONG TSA HO HAPA BAREKI KAPA BASEBELISI BA LIHLAHISOA TSA LIKHOEBO TSE HOEBANG KAHAR'A NAHA EA LESOTHO. 'ME LEKHOTLA LA MATONA LA ETSA QETO EA HORE SE TEKOE PARAMENTENG.

3. KHIRO EA BAKI BA ILENG BA LELEKOA KE TŠEPONG (PTY) LTD, BA NENG BA SEBETSA SEPETLELE SA QUEEN 'MAMOHATO MEMORIAL

LEKHOTLA LA MATONA LE ENTSE QETO EA HORE BAKI BA ILENG BA LELEKOA KE TŠEPONG (PTY) LTD, BA HIROE KE 'MUSO OA LESOTHO HO EA ETSA TLATSETSO EO ESALENG E HLOKOA LIPETLELE LE LI TLILINIKING TSA 'MUSO NAHA KA BOPHARA.

4. SETŠOANTŠO SA TLHOMATHISO EA MOLAO OA LITOKOMANE TSA BOITSEBISO (NATIONAL IDENTITY CARDS AMENDMENT BILL, 2021)

LEKHOTLA LA MATONA LE ANANETSE SEHLOMATHISO SA MOLAO ONA, SEO HAR'A TSE LING, SE RERETSOENG HO FANA KA TUMELLO HO MAFAPHA A AMEHANG A 'MUSO HO FUMANA LIKATENG TSA SESIU SA LITOKOMANE TSENA, 'ME LA ETSA QETO EA HORE SE TEKOE PARAMENTENG.

5. PHETOLO EA LETŠOAO LA 'MUSO (COAT OF ARMS) NGOLISONG EA LINOMORO TSA LIKOLOI, HO EA HO MOKOROTLO

LEKHOTLA LA MATONA LE NTSE QETO EA HO FETOLELA LETŠOAO LE HLAHANG LINOMORONG TSE NCHA TSA LIKOLOI TSE NGOLISITSOENG LESOTHO, HO TLOHA HO *COAT OF ARMS* HO EA HO MOKOROTLO, 'ME LEKALA LA LIPALANGOANG LE TLA ETSA PHATLALATSO EA TSELA EA TŠEBETSO HO ETSA PHETOHO ENA LIKOLOING TSE SENG LI ROETSE LINOMORO TSE NCHA.

6. MELAOANA EA PHETOHO EA LITEFISO TSA TŠEBELISO EA TSELA (TOLL-GATES AMENDMENT REGULATIONS, 2021)

LEKHOTLA LA MATONA LE ANANETSE MELAOANA EA PHETOHO EA LITEFISO TSA TŠEBELISO EA TSELA, EO HAR'A TSE LING, E ETSANG PHETOHO EA HO LEFISA KA HO FAPANA LIKOLOI TSE NGOLISITSOENG LESOTHO LE TSE NGOLISITSOENG LINAHENG TSE LING. LEKALA LA LIPALANGOANG LE TLA ETSA PHATLALATSO EA HORE NA LITEFISO TSENA TSE NCHA LI TLA KENA TŠEBETSONG NENG.

KHOTSO

PULA

NALA